



MISI MVNA ketika memberikan bantuan kepada penduduk di Lombok, Indonesia.



SEJAK remaja, Rozainah Mat Yusoff sering terlibat dengan kerja-kerja kebajikan. Hatinya ‘terikat’ dengan usaha-usaha membantu mereka yang memerlukan bantuan. Malah, kerjaya sebagai jururawat memudahkannya menghulurkan khidmat kepada masyarakat atas kapasiti memiliki kemahiran dalam bidang kejururawatan.

Rupa-rupanya, bukan dia sahaja berkeinginan berbuat demikian, rakan-rakan lain yang berkerjaya sama juga mempunyai pandangan serupa, maka atas dasar ingin melakukan aktiviti sukarelawan, maka terubuhlah Persatuan Jururawat Sukarelawan Malaysia (MVNA) pada tahun lalu.

Berasal dari Kota Bharu, Kelantan, Rozainah, yang juga pengasas dan presiden kepada persatuan ini kini merupakan pensyarah di Fakulti dan Sains Kesihatan, Universiti Putra Malaysia (UPM).

Sebelum ini, dia juga pernah berkhidmat di beberapa institusi, antaranya Hospital Universiti Sains Malaysia (HUSM), Institut Jantung Negara (IJN), Pusat Perubatan Antarabangsa (IMU) serta Pegawai Perawatan Wilayah di St. John Ambulans, Wilayah Persekutuan.

“MVNA yang didaftarkan pada bulan Jun 2017 merupakan sebuah organisasi yang tidak berasaskan keuntungan (NPO) dan hanya fokus dengan kerja-kerja sukarelawan terutama kepada komuniti di negara ini.

“Setakat ini, telah ramai jururawat yang mendaftar menjadi ahli persatuan kerana objektif utama MVNA ialah menjadikannya sebagai saluran bagi semua jururawat menyumbang khidmat bakti bersandarkan pengetahuan, kemahiran dan kepakaran.

“Di samping itu, persatuan turut bekerjasama dengan

Wujudkan persatuan demi kebajikan

NGO

Oleh ROSMAH DAIN
rosmah.dain@
utusan.com.my



badan-badan lain atau pertubuhan sukarelawan lain untuk memberikan bantuan sebagai contoh kepada mereka yang terlibat dengan bencana alam,” jelasnya.

Dia memberitahu, pada awal penubuhannya, persatuan ini telah berjaya mengutip dana daripada orang ramai bagi membantu waris kepada mangsa-mangsa yang terkorban dalam tragedi kebakaran Maahad Tahfiz Darul Quran Ittifaqiah, Taman Keramat, Kuala Lumpur.

Seterusnya persatuan bekerjasama dengan syarikat produk kesihatan, Pfizer bagi menyediakan program saringan kesihatan bagi penduduk yang perlu dititikberatkan soal kesihatan.

Program ini jelasnya, memberikan sumbangan kepada komuniti miskin bandar dan yang kurang berkemampuan.

“Persatuan ini berjaya menjalankan projek berkenaan di Pangsapuri Taman Sutera Kajang, Selangor; serta Perumahan Awam (PA) Desa Rejang, Setapak Utara, dan Taman Keramat Permai di Kuala Lumpur.

“Lebih jauh lagi, MVNA



ROZAINAH MAT YUSOFF (barisan hadapan, enam dari kanan) bersama kakitangan UPM dan ahli-ahli MVNA.



ROZAINAH MAT YUSOFF (dua dari kanan) ketika memberi tunjuk ajar pada sesi menyelamatkan mangsa pada ahli-ahli St. John Ambulans.

telah dijemput oleh Lembaga Pembangunan Penduduk Keluarga Negara (LPPKN), bekerjasama bagi mini carnival keluarga bagi membantu masyarakat,” katanya.

Baru-baru ini, aktiviti MVNA

ialah Misi Amal Qaseh selepas gempa bumi di Lombok Utara, Indonesia.

Menerusi program kebajikan ini, pihaknya bekerjasama dengan AirAsia, Pantai Hospital dan Catering Sajian D-Hidang.

“MVNA telah menyumbang kepada semua mangsa beragama Islam set untuk bersolat, beras, air minuman, kit kebersihan dan banyak lagi.

“Pada masa hadapan, MVNA berharap untuk selalu terlibat dengan bantuan kemanusiaan yang menyediakan khidmat pendidikan awam.

“Bagi rancangan masa depan, kami berharap persatuan ini akan mendapat bantuan dana daripada badan-badan penyelidikan yang menyediakan geran bagi mewujudkan perkhidmatan kemanusiaan yang lebih baik pada arena tempatan dan juga antarabangsa,” jelasnya.

Walaupun kini Rozainah telah beralih ke bidang akademik, namun usaha murni membantu mereka yang memerlukan tetap diteruskan.